

HEADLINES

۱. وزیر اعظم نریندر مودی نے کہیو کہ بھارت غی دہشت گردی غے خلاف لڑائی مسلسل جاری ہے تے یاہ لڑائی کدے رُک نی سکتی۔
۲. مرکزی وزیر داخلہ امت شاہ نے اج کہیو کہ جموں کشمیر غی ترقی کسی وی حال مانہہ نی رُکے گی تے بھارت نانہہ نقصان پُجان آلاں نانہہ مُنہ توڑ جواب دتو جے غو۔
۳. مرکزی وزیر برائے زراعت تے کساناں غی فلاح وبہبود غا وزیر شیو راج سنگھ چوبان نے اج جموں گا آر ایس پورہ غو دورو کیو تے ملک گیر وکست کرسی سنکپ ابھیان غو آغاز کیو۔
۴. سی آر پی ایف غا ڈائریکٹر جنرل نے جموں مانہہ شری امرناتھ جی یاترا 2025 غی وسیع تیاریاں غو جائیزو لیو۔
۵. آئی پی ایل ٹی 20 کرکٹ مانہہ فیصلو کُن مقابلو گجرات ٹائٹن تے ممبئی انڈین غے بشکار اج چندی گڑھ مانہہ وے غو۔

PM TERRORISM

وزیر اعظم نریندر مودی نے کہیو کہ بھارت غی دہشت گردی غے خلاف لڑائی مسلسل جاری ہے چاہے خطرو سرحد پار تیں ویں یا ملک غے اندر تیں اس نانہہ ختم کرن گو مارو عزم مضبوط ہے۔ انہاں نے یاہ گل اج بہار مانہہ کئی ترقیاتی منصوباں غو افتتاح تے سنگ بنیاد رکھتا واں کہی۔ وزیر اعظم نے کہیو کہ پاکستان تے دنیا نے آپریشن سندور غے دوران ماری فوج غی بے مثال بہادری نانہہ دیکھیو، انہاں نے کہیو ملک غ ادشمن چاہے دہشت گردی غی شکل مانہہ ہوں یا نکسلزم غی شکل مانہہ اُن تیں سختی تے پوری طاقت سنگ نیٹیو جے غو۔ اس موقع ور گل کرتا واں وزیر اعظم نے مزید اس طرح کہیو۔

J&K SHAH VISIT

مرکزی وزیر داخلہ امت شاہ نے اج کہیو کہ جموں کشمیر غی ترقی کسی وی حال مانہہ نی رُکے گی، حالیہ اشتعال انگیزی غے باوجود وی انہاں نے واضع کیو کہ بھارت نانہہ نقصان پُجان غی کسی غیوی کوشش غو سخت تے فیصلہ کُن جواب دتو جے غو۔ یاہ گل انہاں نے پونچھ غا دورا غے دوران کہی، جت وے آپریشن سندور غے دوران پاکستان غی گولہ باری تیں متاثرہ علاقان گو جائیزو لین واسطے پُچیا تھا۔ وزیر داخلہ نے ڈاک بنگلہ مانہہ متاثر خانداناں تیں ملاقات کی اُن غا مسائل سُنیا تے ہمدردی غو اظہار کیو اس موقع ور گل کرتا واں وزیر داخلہ نے اس طرح کہیو۔ وزیر داخلہ نے گولہ باری غے دوران جاں بحق ہوا افراد غا لواحقین نانہہ مالی امداد فراہمکی تے اُن واسطے تقرری خطوط وی دتا۔ انہاں نے مزید اس طرح کہیو۔

SHIVRAJ VIKSIT KRISHI

مرکزی وزیر برائے زراعت تے کساناں غی فلاح وبہبود غا وزیر شیو راج سنگھ چوبان نے اج جموں گا آر ایس پورہ غو دورو کیو تے ملک گیر وکست کرسی سنکپ ابھیان غو آغاز کیو جس غو مقصد زراعت نانہہ جدید بنانو تے کساناں نانہہ باختیار بنانو ہے۔ اُن غے نال مرکزی وزیر ڈاکٹر جتندر سنگھ زیر زراعت جاوید احمد ڈار پارلیمان غا رُکن جوگل کشور شرما تے دیگر معزز شخصیات موجود تھیں۔ اپنی مہم روز ایک دراخت نانہہ لانو نانہہ جاری رکھتا واں چوبان نے ایک پودو لاغے سبز طرز زندگی نانہہ فروغ دتو۔ اس موقع ور خطاب کرتا واں انہاں نے کہیو ماری فوج تے مقامی

عوام نے آپریشن سندور غے دوران جھیڑی بہادری دسی وہ قابل تعریف ہے انہاں نے مزید اس طرح کہیو۔ اس موقع ور زراعت غا وزیر جاوید احمد ڈار نے کہیو۔

VIKSIT KRISHI SAMBA

اس مہم نانہہ اگے بدھاتا واں اج ضلع سانہہ غی پلی پنچایت مانہہ وی اس غو آغا ز کیو گیو جس نانہہ وجے پور غا رکن اسمبلی چندر پرکاش گنگا نے کیو اس موقعور زراعت تے اس تیں منسلک مغکمہ گا افسر وی موجود تھا ایمیل اے نے کہیو یاہ مہم کساناں غی آمدنی مانہہ اضافو کرے غی تے زہریلہ کیمیکل تیں پاک زراعت نانہہ فروغ دے غی۔ اس بارے رکن اسمبلی چندر پرکاش گنگا نے اس طرح کہیو۔

DG CRPF

سی آر پی ایف غا ڈائریکٹر جنرل گیا نیندر پرتاپ سنگھ نے جموں مانہہ یاتری نواس بھگوتی نگر بنیادی کیمپ غو دورو کیو تانجے آن آلا شری امرناتھ جی یاترا 2025 غی وسیع تیاریاں بارے جانکاری فراہم کی جاسکے۔ اس دورا نے یاترا غ اتضربہ نانہہ یقینی بنان واسطے سی آر پی ایف غا پکتہ عزم نانہہ اُجاگر کیو جھیرو تمام عقیدت مندان واسطے محفوظ تے پُر امن ثابت ہو سکیں انہاں نے اس بارے کڑا بندو بست حفاظتی انتظامات تے مقامی ایجنسیاں سنگ ہم آہنگی ور توجہ مرکوز کی جھیڑی جے اس سال متوقع ہزاراں یاتریاں واسطے ایک ہموار تے محفوظ یاترا غاتجربہ نانہہ آسان بنان واسطے فوج غی لگن نانہہ ظاہر کرے۔

BHADERWAH TOURISM

پہلگام مانہہ حالیہ دہشت گرد حملہ تیں بعد سیاحت نانہہ دوبارہ زندہ کرن واسطے بدواہ ترقیاتی اتھارٹی غا سی ای او سونیل کمار بٹیاں تے علاقہ گا انچارج پولیس افسر شوقت علی نے سیاحت تیں جُڑا لوکاں تے زرائع ابلاغ غانمائینداں گے نال ایک میٹنگ کی اس ملاقات مانہہ اس گل ور زور دتو گیو کہ سب نانہہ مل غے ایک مربوط تے مثبت طریقہ سنگ کم کرنو وے غو، تانجے سیاحاں غو اعتماد بحال کیو جاسکے۔ حکام نے دسیو کہ علاقہ مانہہ حفاظت غ امزید بہتر انتظامات کیاجا رہیا ہیں مختلف محکماں غے درمیان تال میل نانہہ بدھایو جارہیو ہے تے سیاحاں نانہہ پروسو دوان واسطے مثبت پیغام عام کیا جارہیا ہیں۔ اس قدم گو مقصد لوکاں کی روزی روٹی نانہہ محفوظ بنانو ہے اس موقع ور بدواہ ترقیاتی اتھارٹی غا سی ای او سونیل کمار بٹیاں نے اس طرح کہیو۔

SHABD

حکومتی ادارہ پرسار بھارتی نے ایک نوی مفت سروس شروع کی ہے جس غو ناں ہے پی بی شبد اس غے زریعے یوٹیوبرز، پوڈکاسٹرز تے ویڈیو بنان آلا نانہہ ایسی ویڈیوز آواز تے تصویر دتی جارہی ہیں جھیڑی کاپی رائٹ فری ہیں یعنی ہُن یے مواد بلا کسی رُکاوت تے بغیر پیسہ تیں استعمال کی جاسکے۔ اندراج بالکل مفت ہے تے استعمال کرن مانہہ وی کوئی خطرو نہیں ہے۔ یاہ سروس اُن تمام لوکاں واسطے فائدہ مند ہے جھیڑا اچھا تے محفوظ مواد تلاش کر رہیا ہیں۔

IPL CRICKET

آنی پی ایل ٹی 20 کھیٹ 2025 مانہہ اج شام چندی گڑھ غا ملا پور غا مہاراجہ یدا وینڈر سنگھ
بینالعوامی کرکٹ اسٹیڈیم مانہہ گجرات ٹائٹن تے ممبئی انڈین غے درمیان زبردست بلاک بسٹر غے
نال فیصلہ کن مرحلو جاری ہے۔ رایل چیلنجر بنگلورو نے گزشتہ رات چندیگڑھ مانہہ پہلا کواٹر فائنل
مانہہ ٹیبل ٹاپر پنجاب کنگ نانہہ 8 وکٹان توں شکست دے غے پہلاں ہی فائنل مانہہ جگہ بنا لی ہے
اج غی فیچ اتار نانہہ دوجا کواٹر فائنل مانہہ جے غی جت اُن غو مقابلو احمد آباد مانہہ پنجاب کنگ نال
وے غو۔
